

Bewys van maandelikse inkomste

Necesse

Navrae: 086 0100 678
Faks: 012 336 9537
E-pos: subscriptions@medihelp.co.za
Posadres: Posbus 26004, ARCADIA, 0007
Webtuiste: www.medihelp.co.za

Medihelp het 'n verantwoordelikheid teenoor alle lede van ons inkomstegebaseerde voordele-opsie om toe te sien dat die opsie lewensvatbaar bly. Dit is waarom u aanvaarbare bewys van inkomste aan Medihelp moet voorsien om te verseker dat u ledegeld volgens die korrekte inkomstekategorie betaal. **Dit geld slegs vir lede van die Necesse-voordele-opsie.**

Bewys van inkomste vir nuwe inskrywings en voordele-opsieverwisselings

Indien Medihelp nie weet hoeveel u en u gade/gesel (indien die persoon as u afhanklike geregistreer is) se bruto maandelikse inkomste tydens u inskrywing op Necesse beloop nie, sal u ledegeld volgens die hoogste inkomstekategorie van die voordele-opsie moet betaal. Indien die hoogste van u of u gade/gesel se bruto maandelikse inkomste minder is as die inkomste wat vir die voordele-opsie se hoogste inkomstekategorie aangedui is (R11 001 en meer), kan u bewys van die bruto maandelikse inkomste aan Medihelp stuur om moontlik vir laer maandelikse ledegeld volgens 'n laer inkomstekategorie te kwalifiseer.

Bewys van inkomste deur lede van Necesse

Indien u ledegeld volgens een van die laer inkomstekategorieë bereken word, moet u Medihelp teen nie later nie as **30 November** jaarliks van u en u gade/gesel (indien van toepassing) se huidige bruto maandelikse inkomste verwittig, selfs al het u maandelikse inkomste nie verander nie en moet u ledegeld steeds volgens dieselfde inkomstekategorie bereken word. Medihelp mag lede ook in sommige gevalle deur die loop van 'n jaar versoek om bewys van hul inkomste te verskaf.

Indien u nie teen 30 November bewys van inkomste verskaf nie, sal Medihelp geen keuse hê nie as om te aanvaar dat u finansiële omstandighede tot so 'n mate verander het dat u maandelikse ledegeld volgens die volgende hoër inkomstekategorie moet betaal. Ledegeldaanpassings na die volgende hoër inkomstekategorie sal vanaf u **Januarie-ledegeldpremie** toegepas word.

Indien u finansiële omstandighede deur die loop van die jaar verander en u Medihelp versoek om ledegeld volgens 'n laer inkomstekategorie te betaal, kan u versoek slegs oorweeg word na ontvangs van die voltooide inkomsteverklaringsvorm en aanvaarbare bewys(e) van u inkomste.



Watter inkomste moet u verklaar?

Ons sluit 'n dokument in met 'n uiteensetting van die onderskeie bronne waaruit u en/of u gade/gesel (indien as u afhanklike geregistreer) moontlik inkomste kan verdien, sowel as die bewyse wat in elke geval deur Medihelp benodig word.

Lees asseblief die omskrywing van bruto maandelikse inkomste in hierdie dokument – Medihelp kan nie dokumente aanvaar wat u netto inkomste aandui nie.

Onthou om besonderhede van u inkomste te voorsien sowel as dié van **u gade/gesel** wat as u afhanklike geregistreer is, aangesien Medihelp die hoogste van die twee inkomstes sal gebruik om u ledegeldkategorie te bepaal. Indien u nie ook bewys van u gade/gesel se inkomste verskaf nie, sal Medihelp u maandelikse ledegeld volgens die volgende hoër inkomstekategorie moet bepaal.

Lede wie se ledegeld deur hul werkgewer betaal word

Indien u werkgewer geregistreer is as 'n werkgewersgroep wat maandeliks 'n rekening ontvang om ledegeld namens hul werknemers aan Medihelp te betaal, mag dit wees dat u werkgewer reeds op 'n maandelikse basis of op versoek u bruto maandelikse inkomste aan Medihelp verskaf. Indien u onseker is of u self u inkomste aan Medihelp moet verklaar en of u werkgewer dit sal doen, skakel asseblief Medihelp se Oproepsentrum by 086 0100 678.

Studente wat voltyds studeer

Studente wat hooflede van die Necesses-voordele-opsie is en voltyds aan 'n **tersiêre instelling** studeer en tans R600 of minder per maand verdien, kan kwalifiseer om hul maandelikse ledegeld volgens 'n laer inkomstekategorie te betaal deur bewys van hul **registrasie as voltydse studente** te lewer. 'n Aparte inligtingstuk met meer riglyne kan van Medihelp se Oproepsentrum versoek word.

Voltooi die vorm en stuur dit aan ons terug

Om veragings in die berekening van u ledegeld te voorkom, moet u asseblief die aangehegte verklaringsvorm volledig voltooi en onderteken, en dit met al die nodige dokumentêre bewyse aan Medihelp terugstuur. U kan dit na **subscriptions@medihelp.co.za** e-pos of na **012 336 9537** faks. U kan ook van Medihelp se beveiligde webtuiste gebruik maak om u inkomste te verklaar en stawende dokumente in te dien.

Skakel gerus Medihelp se Oproepsentrum by **086 0100 678** indien u enige vrae het of meer inligting wil bekom.

Uiteensetting en aanvaarbare bewys van inkomste

Bruto inkomste

"Bruto inkomste" sluit in alle vorme van vergoeding, selfs eenmalige betalings, ongeag die bron, voor enige aftrekkings.

NB: Lede moet alle inkomste verklaar.

Dit sluit in: Beleggingsinkomste, inkomste uit trusts, inkomste uit 'n voltydse betrekking, pensioen en annuïteite, inkomste uit professie/eie onderneming, toelaes uit ander bronne en WVF-betalings.

Berekening van maandelikse inkomste

- Jaarlikse bruto inkomste word deur 12 gedeel om die gemiddelde maandelikse bruto inkomste te bereken (bv. inkomste op u IRP 5 of ITA 34 aangedui)
- Die gemiddeld van drie maande se bruto inkomste word aanvaar as verteenwoordigend van 'n jaar se gemiddelde bruto maandelikse inkomste (bv. soos op drie maande se salarisadviese aangedui).
- Ongereelde inkomste: Die maandelikse gemiddeld word bereken deur die totale bruto inkomste wat oor 'n jaar verdien word deur 12 te deel.
- Jaarlikse enkelbetalings (bv. 13de tjek) word deur 12 gedeel om die maandelikse gemiddeld te bereken.
- Weeklone word met 52 vermenigvuldig en daarna deur 12 gedeel om die maandelikse gemiddeld te bereken.
- Werkgewerbydraes (bv. bydraes tot 'n pensioenfonds) word buite rekening gelaat.
- Eenmalige pensioenbetalings word buite rekening gelaat.

Inkomste uit voltydse betrekking

Dit sluit in:

- Basiese salaris, oortyd en kommissie
- Bonusse (alle tipes, bv. 13de tjek, produksiebonus ens.)
- Toelaes (alle tipes, bv. motor/reis, selfoon ens.)
- Byvoordele (bv. maatskappymotor)

Aanvaarbare bewys van inkomste:

- Afgelope drie maande se amptelike salarisstrookies
- Mees onlangse belastingaanslag – ITA 34
- IRP 5 van vorige belastingjaar
- Afgelope drie maande se kommissiestate en bankstate* waarop kommissie-inbetalings aangedui word
- 'n Amptelike aanstellingsbrief van 'n werkgewer wat nie ouer as drie maande is nie, wat die lid se bruto maandelikse inkomste aandui

Eie onderneming

Dit sluit in:

- Inkomste uit 'n beroep/professie, asook totale inkomste uit 'n onderneming verdien en ongereelde inkomste

Aanvaarbare bewys van inkomste:

- Mees onlangse belastingaanslag – ITA 34
- Brief van ouditeur/rekenmeester/belastingadviseur
- Afgelope drie maande se kommissie- en bankstate*

Werkloos

Dit sluit in:

- Individue wat geen inkomste uit 'n beroep/professie/onderneming verdien nie, of individue wat 'n toelaag ontvang

Aanvaarbare bewys van inkomste:

- WVF-betalings
- Afgelope drie maande se bankstate*

Pensioenarisse

Dit sluit in:

- Pensioene en annuïteite

Aanvaarbare bewys van inkomste:

- Mees onlangse belastingaanslag – ITA 34
- Afgelope drie maande se pensioenbetalingsadviese. Indien u minder as drie maande se bewyse het, verskaf asseblief ook die afgelope drie maande se bankstate*
- SASSA-dokumente moet vergesel wees van die afgelope drie maande se bankstate*

Beleggingsinkomste

Dit sluit in:

- Rente, dividende en huurinkomste

Aanvaarbare bewys van inkomste:

- Brief van ouditeur/rekenmeester/belastingadviseur
- Mees onlangse belastingaanslag – ITA 34
- IT3(a) asook afgelope drie maande se bankstate*
- Huurinkomste – huurooreenkoms en afgelope drie maande se bankstate*

Inkomste uit trusts

Aanvaarbare bewys van inkomste:

- Laaste belastingaanslag – ITA 34

Studente

Dit sluit in:

- Lede wat voltydse studente aan tersiëre instellings is

Aanvaarbare bewyse:

- 'n Kennisgewing of brief ter bevestiging, op 'n amptelike briefhoof van die instelling waar die lid as voltydse student geregistreer is
- Nuwe studente wat die eerste keer registreer: 'n Amptelike brief van aanvaarding vir die spesifieke studiejaar

Voltydse studente wat 26 jaar of ouer is of wat afhanklikes het:

- Bewys van studies asook die afgelope drie maande se bankstate*

*Slegs die afgelope drie maande se amptelike bankstate waarop die rekeninghouer se voorletters en van aangedui word, sal aanvaar word. Dui asseblief duidelik op die bankstate aan watter betalings na u inkomste verwys.

Medihelp kan addisionele bewyse tot dié hierbo genoem, vereis.

Verklaring oor bewys van inkomste

Necesse

Navrae: 086 0100 678
 Faks: 012 336 9537
 E-pos: subscriptions@medihelp.co.za
 Posadres: Posbus 26004, ARCADIA, 0007
 Webtuiste: www.medihelp.co.za

Instruksies:

1. Voltooi asseblief afdeling 1 en 2 in swart ink en teken die vorm.
2. **Raadpleeg die vorm "Uiteensetting van Inkomste" vir besonderhede van aanvaarbare bewyse van inkomste.**
3. Heg die nodige bewyse aan en stuur die dokumente saam met hierdie vorm aan Medihelp.
4. Voltydse studente hoef slegs hierdie vorm te voltooi indien hul 26 jaar of ouer is OF geregistreerde afhanklikes het. **Dui asseblief by afdeling 2 aan dat u 'n voltydse student is.**
5. U hoef slegs u gade/gesel se inkomste te verklaar indien hy/sy u geregistreerde afhanklike is.

1. Lidmaatskapbesonderhede

Lidnummer	<input type="text"/>	ID-/paspoortnummer	<input type="text"/>
Titel	<input type="text"/> Mnr <input type="text"/> Mev <input type="text"/> Me <input type="text"/> Ander (spesifiseer)	Voorletters	<input type="text"/>
Kontakbesonderhede: Telefoon	<input type="text"/>	Van	<input type="text"/>
E-posadres	<input type="text"/>		

2. Verklaring van inkomste

"Maandelikse inkomste" beteken die bruto maandelikse inkomste voor enige aftrekkings.

Indien u nie 'n inkomste verdien nie, dui asseblief hieronder by "Beroep" aan dat u **geen inkomste verdien nie**.

Beroep	Lid	
	Lid	Gade/gesel
Bron van inkomste		Gemiddelde maandelikse inkomste
		Lid
		Gade/gesel
Inkomste uit voltydse betrekking (salaris ens.)		
Pensioen / Annuïteit		
Inkomste uit beroep / professie / onderneming		
Werkloos (bv. WVF-betalings)		
Beleggingsinkomste (huur, rente, dividende)		
Inkomste uit trusts		
Ander (spesifiseer asseblief) _____		
Totaal		

Onthou asseblief:

- U aansoek om ledegeld volgens 'n laer inkomstekategorie te betaal, kan slegs oorweeg word na ontvangs van 'n **volledig voltooide en getekende verklaringsvorm** en die toepaslike bewyse.
- Die Reëls van Medihelp bepaal dat 'n bedrieglike daad soos die verskaffing van vals inligting oor u werklike inkomste tot die beëindiging van u lidmaatskap kan lei.

Ek bevestig dat ek al my inkomste verklaar het en dat die besonderhede waar en korrek is.

 Handtekening van lid

 Datum